



Služba za zajedničke poslove

Broj: 10-05-13650/19
Lukavac, 19.12.2019.godine

Na osnovu člana 64. stav (1). tačka a), člana 25. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 10-05-13650/19 od 18.12.2019.godine u konkurentskom postupku javne nabavke usluga fizičke zaštite ljudi i imovine općine Lukavac, a shodno članu 1. Rješenja o prenosu ovlaštenja na državnog službenika broj: 02-05-1055/19 od 29.01.2019.godine, pomoćnik Općinskog načelnika Službe za zajedničke poslove donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 10-05-13650/19 od 18.12.2019.godine i Ugovor za nabavku usluga fizičke zaštite ljudi i objekata općine Lukavac, dodjeljuje ponuđaču „SWORD SECURITY“ doo Sarajevo, a prema ponudi broj: 7968/P-12/19 od 05.12.2019.godine, dostavljenoj dana 16.12.2019.godine, za ponuđenu cijenu u vrijednosti od 18.998,00 KM bez PDV-a, kao najpovoljnijem ponuđaču.

Član 2.

Izabrani ponuđač je u sastavu ponude broj: 7968/P-12/19 od 05.12.2019.godine, dostavio ovjerene kopije potvrde nadležne/ih institucija o uredno izmirenim obavezama po osnovu direktnih i indirektnih poreza kako je navedeno u tački 12.2.a), potvrdu poslovne banke ponuđača da njegovi transakcijski računi nisu bili u blokadi u zadnjih 6 (šest) mjeseci više od 7 (sedam) dana neprekidno, te ne više od 15 (petnaest) dana ukupno računajući od datuma izdavanja potvrde kako je navedeno u tački 13.2.2.a), Rješenje nadležnog ministarstva o odbrenju za rad Agencije za zaštitu ljudi i imovine i Certifikate za zaposlenike kako je navedeno u tački 28. Tenderske dokumentacije, broj: 10-05-13650/19, te isti nije dužan naknadno dostavljati navedenu dokumentaciju.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana prijema obavještenja o izboru najpovoljnije ponude.

Član 4.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 10-02-1-13649/19 od 26.11.2019.godine. Javna nabavka sprovedena je konkurentskim postupkom nabavke. Procjenjena vrijednost javne nabavke bez PDV-a je 20.510,00 KM.

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

Obavještenje o nabavci broj: 719-7-2-87-3-125/19 objavljeno je na Portalu javnih nabavki dana 28.11.2019.godine.

Komisija za provođenje postupka nabavke imenovana Rješenjem broj: 02-05-13735/19 od 02.12.2019.godine, dostavila je ugovornom organu-pomoćniku Općinskog načelnika za poslove civilne zaštite, Zapisnik o pregledu i ocjeni ponuda broj: 10-05-13650/19 od 17.12.2019.godine, Preporuku o izboru najpovoljnijeg ponuđača broj: 10-05-13650/19 od 18.12.2019.godine i Izvještaj o radu broj: 10-05-13650/19 od 18.12.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da je blagovremeno primljena jedna ponuda;
- da nije bilo neblagovremeno primljenih ponuda;
- da ponuda ponuđača "WOLVES SECURITY" doo Tuzla nije kvalifikovana.

Naime, ponuđač „WOLVES SECURITY“ doo Tuzla nije ispunio uslov propisan tačkom 13.1.2. Tenderske dokumentacije, tačnije nije dostavio Rješenje o upisu u sudski registar sa svim izmjenama ili Aktuelni izvod iz sudskog registra kojim su obuhvaćene sve izmjene u sudskom registru iz kojeg se vidi da je ponuđač registrovan za obavljanje djelatnosti koja je predmet ove nabavke, a kako je navedeno u tački 13.1.3.a) Tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 20.510,00 KM i da je kriterij za dodijelu ugovora ekonomski najpovoljnija ponuda, sa podkriterijima: cijena i rok plaćanja.

Ponuđač „SWORD SECURITY“ doo Sarajevo dostavio je prihvatljivu ponudu u iznosu od 18.998,00 KM bez PDV-a, sa rokom plaćanja od 30 dana, te je primjenjujući kriterij ekonomski najpovoljnije ponude, sa podkriterijima: cijena i rok plaćanja, osvojio ukupno 100 bodova.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić



Po Ovlaštenju Općinskog načelnika
POMOĆNIK NAČELNIKA
Jasminka Dugonjić, dipl. pravnik

Dostaviti:

1. „SWORD SECURITY“ doo Sarajevo
2. „WOLVES SECURITY“ doo Tuzla
3. Evidenciji i
4. Arhivi.-